

清淨經

老君曰：大道無形，生育天地。大道無情，運行日月。大道無名，長養萬物。吾不知其名，強名曰道。夫道者，有清有濁。有動有靜。天清地濁。天動地靜。男清女濁。男動女靜。降本流末。而生萬物。

清者濁之源。動者靜之基。人能常清靜。天地悉皆歸。夫人神好清，而心擾之。人心好靜。而慾牽之。常能遣其慾，而心自靜。澄其心，而神自清。自然六慾不生，三毒消滅。所以不能者，為心未澄，慾未遣也。

能遣之者，內觀其心。心無其心，外觀其形，形無其形，遠觀其物，物無其物，三者既無，惟見於空。觀空亦空，空無所空，所空既無，無無亦無，無無既無，湛然常寂。寂無所寂，慾豈能生，慾既不生，即是真靜。真常應物，真常得性，常應常靜，常清靜矣。如此清靜，漸入真道，既入真道，名為得道。雖名得道，實無所得，為化眾生，名為得道。能悟之者，可傳聖道。

太上老君曰：上士無爭，下士好爭。上德不德，下德執德，執著之者，不明道德。眾生所以不得真道者，為有妄心。既有妄心，即驚其神，既驚其神，即著萬物，既著萬物，即生貪求，既生貪求，即是煩惱。煩惱妄想，憂苦身心，便遭濁辱。流浪生死。常沉苦海，永失真道。真常之道，悟者自得，得悟道者，常清靜矣。

十五代祖訓

是是非非不必辯，長長短短何須談？千不怨來萬不怨，自怨才德兩薄寒。投湯赴火了心願，萬魔不改素心田；任他虎狼千千万，他人卻步我獨前。武穆風波亭遇難，關帝東吳受香煙；半壁三分未了願，一點忠心造聖賢。況咱替母把道辦，千真萬聖困塵凡。我等皆是蓬草士，寒門草舍掌道權。天道幽深更玄遠，中下焉能看得穿？大人不見小人過，宰相肚內臥海船。分金爐內走一遍，才知天外還有天。海內海外道為祖，天上天下道為先。財要明來色要遠，千苦受盡有萬甜。果然真心持經懺，逢凶化吉保平安。大道本是上天事，俺代天行天助咱。人叫人死天不肯，天叫人死有何難？狂風有起還有息，起由天來息由天。大眾莫違菩提愿，整理心身再向前。

中庸首經一章

天命之謂性，率性之謂道，修道之謂教。道者也，不可須臾離也；可離，非道也。是故，君子戒慎乎其所不睹，恐懼乎其所不聞。莫見乎隱，莫顯乎微，故君子慎其獨也。喜怒哀樂之未發，謂之中；發而皆中節，謂之和。中也者，天下之大本也；和也者，天下之達道也。致中和，天地位焉，萬物育焉。

大學首章

大學之道，在明明德，在親民，在止於至善。知止而后有定，定而后能靜，靜而后能安，安而后能慮，慮而后能得。物有本末，事有終始，知所先後，則近道矣。

古之欲明明德於天下者，先治其國；欲治其國者，先齊其家；欲齊其家者，先修其身；欲修其身者，先正其心；欲正其心者，先誠其意；欲誠其意者，先致其知；致知在格物。物格而后知至，知至而后意誠，意誠而后心正，心正而后身修，身修而后家齊，家齊而后國治，國治而后天下平。

自天子以至於庶人，壹是皆以修身為本。其本亂而末治者否矣；其所厚者薄，而其所薄者厚，未之有也。

六祖無相頌 疑問品

師曰：善知識若欲修行，在家亦得，不由在寺，但依此修，常與吾同處無別，若不作此修，剃髮出家，於道何益，頌曰

心平何勞持戒，行直何用修禪。恩則孝養父母，義則上下相憐。讓則尊卑和睦，忍則眾惡無喧。若能鑽木取火，淤泥定生紅蓮。苦口的是良藥，逆耳必是忠言。改過必生智慧，護短心內非賢。日用常行饒益，成道非由施錢。菩提只向心覓，何勞向外求玄。聽說依此修行，天堂只在目前。

六祖無相頌 懺悔品

吾有一無相頌，若能頌持，言下令汝，積劫迷罪，一時消滅，頌曰

迷人修福不修道，只言修福便是道。布施供養福無邊，心中三惡元來造；擬將修福欲滅罪，後世得福罪還在。但向心中除罪緣，各自性中真懺悔；忽悟大乘真懺悔，除邪行正即無罪。學道常於自性觀，即與諸佛同一類。吾祖唯傳此頓法，普願見性同一體；若欲當來覓法身，離諸法相心中洗。努力自見莫悠悠，後念忽絕一世休；若悟大乘得見性。虔恭合掌至心求。

六祖無相頌 般若品

善知識，吾有一無相頌，各須頌取，在家出家，但依此修，若不自修，為記吾言，亦無有益，聽吾頌曰

說通及心通，如日處虛空，唯傳見性法，出世破邪宗。
法即無頓漸，迷悟有遲疾，只此見性門，愚人不可悉。
說即雖萬般，合理還歸一，煩惱暗宅中，常須生慧日。
邪來煩惱至，正來煩惱除，邪正俱不用，清淨至無餘。
菩提本自性，起心即是妄，淨心在妄中，但正無三障。
世人若修道，一切盡不妨，常自見己過，與道即相當。
色類自有道，各不相妨惱，離道別覓道，終身不見道。
波波度一生，到頭還自懊，欲得見真道，行正即是道。
自若無道心，闇行不見道，若真修道人，不見世間過。
若見他人非，自非卻是左，他非我不非，我非自有過。
但自卻非心，打除煩惱破，憎愛不關心，長伸兩腳臥。
欲擬化他人，自須有方便，勿令彼有疑，即是自性現。
佛法在世間，不離世間覺，離世覓菩提，恰如求兔角。
正見名出世，邪見名世間，邪正盡打卻，菩提性宛然。
此頌是頓教，亦名大法船，迷聞經累劫，悟則剎那間。

老師慈訓

我們修道修心 我們辦道盡心 我們不與人家比短論長 我們不與人家鬥勝爭強
我們委屈自己圓融十方 我們是苦海與西方極樂世界的一座橋樑 任人踐踏與毀謗
我們要低下頭 我們理直氣壯 我們屈伸自如 我們道念堅強 我們不白犧牲
我們不白來人世上 我們不白過時光 雖一人緊緊多少蒼生性命 看重自己
不需要徬徨 不需要受自己的礙障 樹立一條正確的方向 讓千萬人安安穩穩的直上
讓千萬人沾到慈輝之光 讓千萬人沐浴在天恩的浩蕩 讓千萬人了脫這苦海的汪洋
讓千萬人的九玄七祖一齊沾光